



15. juli 2022

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Inatsisartut Aningaasanut Inatsisaani 2022 konto pingaarneq 40.97.03 naapertorlugu Kalaallit Nunaanni Ilagiinnut aningaasaliisoqarpoq. Taamatuttaaq ajoqissanik organistinillu ilinniartitsinermut aningaasaliinerit kontomi pingaarnermi 40.92.14-mi takuneqarsinnaapput. Naalakkersuisut qinnuigaakka ukiuni kingullerni aqqaneq-marluusuni aningaasaliissutit annertussusaat paasissutissiissutigeqqullugit.¹**

- 2. Taassuma saniatigut Naalakkersuisut qinnuigineqarputtaaq nalunaarsuiffik *"Sulisoqarnermut naatsorsuutigisat"* konto pingaarneq 40.92.14 itisileqqullugu².**
 - a) Sulisut sorliit pineqarpat?**
 - b) Inuit qassit – sulisoqarnermi immikkoortortani pineqartuni – ukiut aqqaneq-marlunni kingullerni ilinniarnerminnik naammassinninnikuuppat?**
 - c) Taakkunani qassit suli Ilagiinni atorfeqartinneqarpat?**

- 3. Ullumi– Naalakkersuisut naapertorlugit – Ilageeqarnermi unammillernartut pingasut annerit suuppat?**

¹ Suliassa qarfinni nikisitsineq ukiuni taakkunani pisimappat kissaatigineqarpoq aamma aningaasaliissutit kontoni pineqartunut attuumassutillit.

² Suliassa qarfinni nikisitsineq ukiuni taakkunani pisimappat kissaatigineqarpoq aamma aningaasaliissutit kontoni pineqartunut attuumassutillit.

INUIT ATAQATIGIIT

Inatsisartuni



(Inatsisartuni ilaasortaq Asii Chemnitz Narup, Inuit Ataqatigiit)

Tunngavilersuut:

Ilageeqarneq inuiaqatigiinnut pingaaruteqarluinnarpoq. Ullorsiortoqartillugu oqaluffik katersuuffigisarparput, inuunermi nuannersunik alianartunillu pisoqartillugu, sapaatinilu nalinginnaasuni. Palasit, ajoqit aamma pattattut Ilagiit ingerlanneqarneranni pingaarutilittut inissisimapput.

Piffiit ilaanni Ilagiit palasissaaleqinermik, ajoqissaaleqinermik aamma pattattussaaleqinermik eqqugaasarput. Aningaasaliissutinit qulaani pineqartuni qulakkeerumaneqarpoq illoqarfinni nunaqarfinnilu aalaakkaasumik ajoqissaqartitsinissaq.

Paaserusunnarpoq kontomi pingaarnermi 40.92.14-mi aamma 40.97.03-mi aningaasaliissutaasimasut anguniakkamut naammassinninnissamut naammannersut.

Ullut qulit qaangiutsinnagit akineqarnissara piumasaraara.